



Republika e Kosovës
Republika Kosova - Republic of Kosovo
Kuvendi - Skupština - Assembly

Legjislatura V
Sesioni vjeshtor

Komisioni për Arsim, Shkencë, Teknologji, Kulturë, Rini dhe Sport
Mbledhja nr.64
Prishtinë, më 10.10.2016, në orën 10:00
Ndërtesa e Kuvendit, salla S-II

PROCESVERBAL
I MBLEDHJES SË KOMISIONIT PËR ARSIM, SHKENCË, TEKNOLOGJI,
KULTURË, RINI DHE SPORT

Në mbledhje morën pjesë: Nait Hasani, kryetar, Salih Morina, Shpejtim Bulliqi, Bekim Haxhiu, Mufera Shinik, Ismajl Kurteshi, Teuta Haxhiu dhe Shukrije Bytyçi.

Mungoi: Sergjan Popoviq.

Pjesëmarrës të tjerë: përfaqësues të KDI- së dhe media.

Stafi Mbështetës i Komisionit: Lule Ymeri dhe Shaip Goxhuli.

Mbledhjen e kryesoi, Nait Hasani, kryetar i Komisionit.

Për këtë mbledhje u propozua ky

Rend i ditës:

1. Miratimi i rendit të ditës;
2. Miratimi i procesverbalit të mbledhjes së datës 26.9.2016;
3. Shqyrtimi i Raportit me rekomandime për Projektligjin nr. 05/L-066 për profesionet e rregulluara në Republikën e Kosovës;
4. Të ndryshme.

Kryetari konstatoi se janë plotësuar kushtet për fillimin e punës së Komisionit dhe e hapi mbledhjen sipas rendit të ditës.

1. Miratimi i rendit të ditës

Rendi i ditës u miratua pa vërejtje.

2. Miratimi i procesverbalit të mbledhjes së mbajtur më 26.9.2016

Procesverbali i mbledhjes së mbajtur më 26.9.2016 u miratua pa vërejtje.

3. Shqyrtimi i Raportit me rekomandime për Projektligjin nr. 05/L-066 për profesionet e rregulluara në Republikën e Kosovës

Nait Hasani tha se kërkesë e anëtarëve të Komisionit, nga mbledhja e kaluar, ka qenë që të ftohet ministri, që të raportojë për fillimin e vitit të ri shkollor 2016/2017 dhe për çështjen e teksteve shkollore. Komisioni, në mënyrë të vazhdueshme, ka mbikëqyrë fushën e arsimit, në mënyrën më të mirë të mundshme, me kapacitet të mjaftueshëm.

Amendamenti 1

Neni 1 riformulohet si vijon:

1. Qëllimi i këtij Ligji është përcaktimi i kushteve dhe kriterëve për ushtrimin e profesionit të rregulluar që ka të bëjë me mbrojtjen e interesit publik.

2. Ky Ligj është në përputhje me Direktivën 2005/36/EC e Parlamentit Evropian dhe e Këshillit Evropian, e datës 7 shtator 2005, mbi njohjen e kualifikimeve profesionale (teksti me relevancë të EEA); dhe Direktivën 2013/55/EU e Parlamentit Evropian dhe Këshillit Evropian, e datës 20 nëntorit 2013, që ndryshon direktivën 2005/36 / EC mbi njohjen e kualifikimeve profesionale dhe Rregulloren (BE) nr.1024/2012 për bashkëpunim administrativ përmes Sistemit Informativ të Tregut të Brendshëm ("Rregullorja IMI") për njohjen e kualifikimeve profesionale, si dhe në trajnimin specifik që kërkohet për disa profesione të rregulluara në sektorët e shëndetësisë dhe arkitekturës.

Amendamenti 2

Neni 2, paragrafi 2 riformulohet si vijon:

2. Ky ligj zbatohet për çdo person, i cili kërkon të ushtrojë një profesion të rregulluar në Republikën e Kosovës.

Neni 2, nënparagrafi 3.1. riformulohet:

3.1. Për veprimtaritë e ushtruara në profesionin e rregulluar, që lidhen me kryerjen e funksioneve në autoritetet gjyqësore.

Amendamenti 3

Neni 3 riformulohet si vijon:

1. Shprehjet e përdorura në këtë Ligj kanë këtë kuptim:

1.1. Profesioni i rregulluar – veprimtari profesionale, e drejta e ushtrimit të të cilit rregullohet me ligj apo me akte nënligjore që kërkon një licencë, e cila kushtëzohet me një fushë dhe nivel të caktuar të aftësisë dhe edukimit profesional;

1.2. Kualifikim profesional – kualifikimi i certifikuar i arritjes së njohurive dhe aftësive brenda një fushe studimi që rezulton me diplomë apo certifikatë.

1.3. Dokument zyrtar - nënkupton diplomën, certifikatën ose dëftesën, e lëshuar nga autoriteti kompetent, në përputhje me rregullat dhe procedurat e parashikuara nga legjislacioni në fuqi, që dëshmon përfundimin e suksesshëm të kualifikimit profesional, të zhvilluar brenda apo jashtë territorit të Republikës së Kosovës.

1.4. Agjencia Shtetërore e Provimeve të Kosovës (ASHPK)- agjenci e themeluar nga Qeveria, për organizimin e provimit shtetëror dhe publikimin e rezultateve për listën e profesioneve të rregulluara me këtë Ligj.

1.5. KSHPRR - Këshilli Shtetëror për Profesione të Rregulluara - organ vendimmarrës i themeluar nga Ministria, i cili është përgjegjës për përcaktimin e standardeve për profesionet e rregulluara.

1.6. Përvoja profesionale - ushtrimi ligjor i një profesioni, për një periudhë të caktuar kohore.

1.7. Praktika profesionale - ushtrimi i një profesioni të rregulluar për një periudhë të caktuar kohore nga ana e praktikantit, nën udhëheqjen dhe përgjegjësinë e një profesionisti të kualifikuar, i cili mund të shoqërohet me trajnime shtesë, sipas mënyrës së përcaktuar nga autoriteti kompetent.

1.8. Provimi shtetëror - vlerëson njohuritë dhe aftësitë e kandidatit për ushtrimin e profesionit të rregulluar sipas legjislacionit në fuqi.

1.9. Kandidati - personi i cili i nënshtrohet provimit shtetëror për ushtrimin e profesionit të rregulluar.

1.10. Licenca – dokument zyrtar, i lëshuar nga organi kompetent, që i mundëson kandidatit ushtrimin e profesionit të rregulluar.

1.11. Organi kompetent për zhvillimin e standardeve të profesionit - (ministria e fushës përkatëse, agjencitë, odat profesionale, shoqatat, këshillat), organi përgjegjës për

zhvillimin dhe përditësimin e standardeve të një profesioni të caktuar të rregulluar që ia paraqet ato për miratim Këshillit Shtetëror për Profesionet e Rregulluara;

1.12. Autoriteti kompetent për licencim - ministria e fushës përkatëse, apo, me delegim institucioni profesional, Këshilli qeverisës i cili është përgjegjës për dhënie të licencave dhe provimit shtetëror të fushës përkatëse në bazë të kualifikimeve paraprake të përcaktuara me ligj.

1.13. ENIC-NARIC Kosova - Qendra Kombëtare për Njohje dhe Informim Akademik e Kosovës.

1.14 Organi profesional - institucion që organizon dhe përfaqëson profesionistët e një fushe të caktuar profesionale;

1.15.Ministria - Ministria përkatëse për Arsim;

1.16.Ministri - Ministri përkatës;

Amendament 4

Neni 4 riformulohet si vijon:

Profesionet e rregulluara

1.Profesionet e rregulluara në Republikën e Kosovës janë profesionet të:

- 1.1. Mjekut;
- 1.2. Stomatologut;
- 1.3. Farmacistit;
- 1.4. Infermierit;
- 1.5. Mamisë;
- 1.6. Fizioterapeutit;
- 1.7. Veterinerit;
- 1.8. Arkitektit;
- 1.9. Inxhinierit të të gjitha fushave;
- 1.10. Mësimdhënësit e të gjitha niveleve të arsimit parauniversitar;
- 1.11. Edukatorit;
- 1.12. Psikologut;
- 1.13. Punëtorit social;
- 1.14. Pedagogut;
- 1.15. Ekonomistit;
- 1.16. Juristit.

2. Profesione të rregulluara janë edhe profesione të tjera të përcaktuara si të tilla me legjislacionin në fuqi.

Amendamenti 5

Neni 5 riformulohet si vijon:

1. Të drejtën e ushtrimit të profesionit të rregulluar e ka personi, i cili plotëson kriteret e përcaktuara me këtë ligj ose me ligje të tjera, të veçanta.
2. Profesionit i rregulluar ushtrohet nga personi fizik ose juridik, me cilësinë e të punësuarit ose të vetëpunësuarit, sipas kërkesave të përcaktuara nga organi kompetent përkatës.
3. Ushtrimi i profesionit të rregulluar bëhet në përputhje me parimet e mëposhtme:
 - 3.1. Liria e konkurrencës së profesionistëve;
 - 3.2. autonomia dhe pavarësia e gjykimit intelektual dhe profesional;
 - 3.3. korrektësia dhe cilësia e shërbimeve për mbrojtjen e përfituesit të shërbimit dhe të interesave publike, duke garantuar ushtrimin korrekt dhe ligjor të profesionit, pavarësisht mënyrës apo formës së ushtrimit të tij;
 - 3.4. liria e zgjedhjes nga përfituesi i shërbimit.

Amendamenti 6

Neni 6 riformulohet si vijon:

Neni 6

Aftësimi dhe kualifikimi për ushtrimin e profesionit të rregulluar.

Personi, që kërkon të ushtrojë profesion të rregulluar, duhet të ketë përfunduar programin përkatës të akredituar të studimit apo kualifikimet profesionale për atë profesion, të cilat vërtetohen me dokumente zyrtare, të lëshuara brenda ose jashtë vendit dhe të njohura në Republikën e Kosovës, në përputhje me legjislacionin në fuqi.

Amendamenti 7

Neni 7 riformulohet si vijon:

Neni 7

Kriteret për ushtrimin e profesionit të rregulluar

1. Për të fituar të drejtën e ushtrimit të profesionit të rregulluar, çdo person duhet të:
 - 1.1. Përfundojë studimet përkatëse apo kualifikimet profesionale;
 - 1.2. Përfundojë praktikën profesionale;
 - 1.3. Kryej provimin shtetëror;

1.4. Regjistrohet në organin përkatës profesional.

2. Etapat e parapara në paragrafin 1 të këtij neni përcaktohen me akt nënligjor të nxjerrë nga ministria sipas kërkesave specifike të çdo profesioni të rregulluar.

Amendamenti 8

Neni 8 riformulohet si vijon:

1. Këshilli Shtetëror për Profesione të Rregulluara (KSHPRR) është organ vendimmarrës i themeluar, sipas këtij ligj, nga ministria.
2. KSHPRR përbëhet nga 5 (pesë) anëtarë.
3. Ministri emëron anëtarët e KSHPRR, me mandat 4 (katër) vjeçar.
4. Detyrat dhe përgjegjësitë e KSHPRR-së përcaktohen me akt nënligjor të nxjerrë nga ministria.

Amendamenti 9

Neni 9 riformulohet si vijon:

Neni 9

Agjencia Shtetërore e Provimeve të Kosovës

1. Agjencia Shtetërore e Provimeve të Kosovës (ASHPK) themelohet nga Qeveria e Republikës së Kosovës me propozimin e ministrisë përkatëse.
2. ASHPK është përgjegjëse për:
 - 2.1. Organizimin e provimeve shtetërore për profesionet e rregulluara;
 - 2.2. Publikimin dhe certifikimin e rezultateve të provimeve shtetërore;
 - 2.3. Zhvillimin dhe përditësimin e bazës së të dhënave të kandidatëve të cilët iu kanë nënshtruar provimit shtetëror.
2. Struktura dhe funksionimi dhe përgjegjësitë e ASHPK-së rregullohen me akt nënligjor të nxjerrë nga ministria.

Amendamenti 10

Neni 10 riformulohet si vijon:

1. Provimi shtetëror vlerëson njohuritë dhe aftësitë e kandidatit për ushtrimin e profesionit të rregulluar, me qëllim për të:

1.1 Realizuar garancitë publike për përgjegjësitë që sjell ushtrimi i profesionit të rregulluar.

1.2 Vlerësuar njohuritë e kandidatit që synon të ushtrojë profesion të rregulluar, duke siguruar njëtrajtshmëri dhe transparencë në vlerësimin dhe kualifikimin e kandidatit, në nivel kombëtar, përmes verifikimit të përvetësimit të aftësive të nevojshme profesionale për profesionin e rregulluar.

2. Përmbajtja e provimit shtetëror hartohet në përputhje me fushën e veprimtarive profesionale.

3. Pas përfundimit me sukses të provimit shtetëror, kandidati merr licencën përkatëse profesionale, sipas listës së profesioneve të rregulluara.

4. Provimi shtetëror mbahet në njërën nga gjuhët zyrtare në Kosovë, sipas Ligjit për përdorimin e gjuhëve.

5. Përfshihen nga detyrimi për të dhënë provimin shtetëror:

5.1. Profesionalistët, të cilët ushtrojnë apo kanë ushtruar një profesion të rregulluar në Kosovë para hyrjes në fuqi të këtij Ligji;

5.2. Profesionalistët, të cilët kanë fituar të drejtën e ushtrimit të një profesioni të rregulluar jashtë Republikës së Kosovës, që përcaktohet në akte të veçanta nënligjore.

Amendamenti 11

Neni 11 riformulohet si vijon:

1. Provimi shtetëror për profesione të rregulluara, organizohet dhe mbikëqyret nga ASHPK në bashkëpunim me KSHPRR dhe organet e tjera kompetente.

2. ASHPK për çdo profesion të rregulluar formon Komisionin e Provimit Shtetëror i cili përbëhet nga 4 (katër) anëtarë si vijon:

- 2.1. 1 (një) përfaqësues të caktuar nga ministri, kryetar;
 - 2.2. 1 (një) përfaqësues nga ASHPK;
 - 2.3. 1 (një) përfaqësues, i cili është anëtar i organit profesional përkatës;
 - 2.4. 1 (një) përfaqësues nga personeli mësimdhënës universitar, nga programi i akredituar me së paku 10 (dhjetë) vjet përvojë pune në institucionet e arsimit të lartë.
3. Anëtarët sipas nënparagrafët 2.3 dhe 2.4. të paragrafit 2 të këtij neni emërohen sipas mënyrës në vijim:
- 3.1. Organi profesional përkatës i propozon ASHPK-së të paktën 2 (dy) kandidatë, njëri prej të cilëve duhet të zgjidhet.
 - 3.2. Këshilli Shtetëror për Profesione të Rregulluara, i propozon ASHPK-së të paktën 2 (dy) kandidatë, njëri prej të cilëve zgjidhet.
4. Në rast se përfaqësimi i organit profesional në Komisionin e Provimit Shtetëror nuk është i mundur, ASHPK përfaqësohet me 1 (një) anëtar shtesë.
5. Kryetari i Komisionit të Provimit Shtetëror është përfaqësues siç përcaktohet në pikën 2.1 të paragrafit 2 të këtij neni.
6. Kriteret për përzgjedhjen e përfaqësuesve të përcaktuar në paragrafin 2 të këtij neni, përcaktohen nga ASHPK në bashkëpunim me organin profesional të fushës përkatëse.
7. Rregullat për funksionimin e Komisionit të Provimit Shtetëror, kompensimin e anëtarëve të saj, si dhe procedurat dhe mënyrën e zhvillimit të provimit shtetëror, përcaktohen me akt nënligjor nga ministria.
8. Temat, mënyrat e zhvillimit dhe menaxhimit përmes teknologjisë digjitale të provimit shtetëror, përcaktohen nga ASHPK, pas këshillimeve me organin kompetent.

Amendamenti 12

Neni 12 riformulohet si vijon:

1. Praktika profesionale synon përvetësimin efektiv të njohurive teknike, praktike dhe etike të profesionit, me anë të mekanizmave të përcaktuar nga ASHPK-ja, sipas propozimeve nga organi profesional përkatës.
2. Praktika profesionale zhvillohet nën drejtimin e një profesionisti, personi fizik apo juridik.

3. Organi profesional përkatës, përmes strukturave të veta, siguron që aftësimi praktik në një profesion të rregulluar kryhet nën drejtimin e një profesionisti me përvojë, me të pakën 3 (tre) vjet të përvojës përkatëse dhe që ofron garanci të mjaftueshme për përgatitjen teorike dhe praktike të praktikantit.

4. Gjatë realizimit të praktikës profesionale, praktikantit i jepet një kompensim, siç përcaktohet nga institucioni/organizata ku mbahet praktika profesionale.

5. Kompensime apo shpërblime të ngjashme të vlerësimit jepen nga institucioni/organizata ku mbahet praktika profesionale.

6. Pas përfundimit të suksesshëm të praktikës profesionale, çdo personi i lëshohet dokumenti zyrtar që ka përmbushur detyrimin për praktikë profesionale, që dëshmon se në një periudhë të caktuar dhe në përputhje me kriteret specifike të profesionit të rregulluar, ka qenë i angazhuar në një veprimtari profesionale, brenda ose jashtë vendit, e cili i ka dhënë mundësi të përvetësojë praktikë të mjaftueshme profesionale në fushën e këtij profesioni.

7. ASHPK, në bashkëpunim me organin profesional përkatës, përcakton si vlerësohet nëse përvoja profesionale e kandidatit është e mjaftueshme për ta përjashtuar nga detyrimi për kryerjen e praktikës profesionale.

Amendamenti 13

Neni 14, paragrafi 1.3. riformulohet:

1.3. Ministria është përgjegjëse për lëshimin e licencës, përveç rasteve kur kjo përgjegjësi i delegohet ndonjë organi apo shoqate profesionale.

Amendamenti 14

Neni 15, paragrafi 4 riformulohet:

4. Organizimi dhe funksionimi i organit profesional rregullohet me akt nënligjor.

Amendamenti 15

Neni 19 riformulohet:

1. Ministria brenda 3 (tre) muajve, nga hyrja në fuqi e këtij Ligji, nxjerr aktet nënligjore për zbatimin e tij.

2. Në rast të konfliktit mes dispozitave të këtij ligji dhe ligjeve të tjera për provimin shtetëror dhe licencimin e profesionistëve të profesioneve të rregulluara, dispozitat e këtij ligji mbizotërojnë.

4. Të ndryshme

Mbledhja përfundoi në orën 11:55.

E përgatiti: Njësia për Mbështetjen e Komisionit.

Kryetari i Komisionit,

Nait Hasani